


p. 1306 : 7【廣說如前】參考本書 p. 1550+1157 《成唯識論》卷 5：「《瑜伽論》說，若任運生一切煩惱，皆於三受現行可得。若通一切識身者，遍與一切根相應；不通一切識身者，意地一切根相應。」(T31, p. 27a20-23)「《瑜伽論》說，若任運生一切煩惱，皆於三受現行可得，廣說如前。又說俱生薩迦耶見唯無記性，彼邊執見應知亦爾。此俱苦受非憂根攝，論說憂根非無記故。」(p. 27b14-17)

p. 1306 : -2【麤相】《成唯識論演祕》卷 5：「論。此依實義等者。問：所依教何？何意須有麤·細二說？答：委曲而談。名為實義。即五十九。梗概而說。名為麤相。即五十五·對法第七。故五十九結十煩惱受相應云：先辨煩惱諸根相應。但約麤相道理建立。令初行者解無亂故。今即約巨細道理建立。令久行者了自他身種種行解差別轉故。」(T43, p. 922b11-17)



p. 1307 : -7【俱地】《成唯識論訂正》卷 6：「所通界地者。貪癡相應樂。于九地中。通下四地。謂欲及(至)第三禪也。不通上地。以上五地唯捨相應故。餘七相應樂。除欲界，通初禪及(至)三禪。除欲界者。以此五見疑慢之餘七。唯在意地。意地之樂。非欲界故。不言瞋者。以約麤相而言。瞋非樂故。疑與獨行無明。欲界唯憂捨而已。餘受俱起。如理應知者。色、無色界及餘惑餘受俱起。所通界地。如理思之可知。」(D23, p. 573a9-b6)

p. 1307 : -7【對法第七】《大乘阿毘達磨雜集論》卷 7〈2 決擇分·1 諦品〉：

「貪，於欲界與樂喜捨相應。如於欲界，於初二靜慮亦爾。於第三靜慮與樂捨相應，已上唯與捨相應。」(T31, p. 726a10-12)「於初二靜慮，云何與樂相應？與意地樂相應，故無過。云何於彼有意地樂？由說彼地有喜樂故。如經言：云何為喜？謂已轉依者，依於轉識，心悅心踊心適心安適受受所攝。依於轉識者，即依意識，於三摩呬多位餘識無故。云何為樂？謂已轉依者，依阿賴耶識攝受所依，所依怡悅安適受受所攝。此經意說：樂受依初二靜慮生時，與如是心心法聚相應，由欣踊行，還令此聚皆得踊悅，又令所依阿賴耶識自體安樂怡適。由此樂受，作二事故，體雖是一，建立二種若喜若樂，是故說此相應。」(T31, p. 726a22-b4)

p. 1307：-6【相續末位起故】《成唯識論疏義演》卷 6：「捨受至末位起故者。意云：證此捨受。一切身中有相續者。身也。末位起故者。意說：下三定有喜樂心。此心若欲末時。皆有住捨位平等心故。捨受一切時有故。知亦與貪等相應。」(X49, p. 650c2-5)《成唯識論演秘》卷 5：「然明意識捨相應云。在意識身捨相應者。在一切處於相續末位 釋曰。由樂·喜·捨通第六識。六識樂·喜末位之時而亦有捨。故云一切末位等也。」(T43, p. 922b19-22)

p. 1307：-4【逐難配諸地】《成唯識論疏義演》卷 6：「論貪癡俱樂通下四地。謂貪及癡。五識俱故。若在欲界。即與五識相應以樂俱。若在初靜處。通意及五。二三靜處。唯與意識相應樂俱。問：初靜慮有五識？答：據多分說。但有三識。鼻舌唯於欲界繫故。論餘七俱樂除欲通三者。除貪嗔癡。七俱樂。唯除欲界。下三靜慮皆意樂俱。所以者何？五見慢疑。唯意地故。論疑獨行痴欲唯憂捨者。此逐難釋。顯二於欲界。非喜受俱。此如集論、雜集。皆說疑於欲。」

憂捨相應。非喜俱者。不決定心若不息滅。不生故。若色界疑。疑靜慮者。與喜樂俱定引持故。不共無明。亦憂捨俱。同此論說。」(X49, p. 650b15-c1)「除第四禪者。以第四禪意識唯捨受俱。無樂受也。以上除嗔者。唯在欲故。」(p. 650c6-7)

p. 1307 : -1【疑上靜慮】《成唯識論疏義演》卷 6 :「疑上靜慮者。疑彼定或勝或劣等。還是定地故。疑是定地煩惱。然是疑中。先時喜樂心定力引生。所以疑得隨轉。問：既得上定。云何起慢等七法？答：以五見慢疑是意識相應。非五識並。由得彼定。妄執為最、為勝、能淨。得有見戒。由執戒故。隨計斷常。得有身邊二見。計此定最勝。撥無業道。故起邪見。既得上定而生超慢。如是五等煩惱。是出入定心所引。非於定中得有得斯事。唯現量故。又疑於欲界不與喜俱。於可欣事。求心未息。猶豫未決。不生故。獨行無明。如疑理說者。疑既得與上喜樂俱。故知無明亦喜樂俱也。」(X49, p. 650c8-17)

p. 1308 : 2【麤相苦樂】《成唯識論疏義演》卷 6 :「麤相苦樂至不在意故者。此有二義：一云。若麤相論。疑不與苦樂俱。苦境增勝既定。與疑行相既殊。不得俱也。二云。欲界意識無苦樂受。疑既在意地。無苦樂俱。有云：麤相故說者。初二靜慮、欲界人天、餘雜受處。所有苦樂皆在五識。不在意識。故知疑無苦樂並。」(X49, p. 650c18-22)

p. 1308 : 3【如理應知】《成唯識論疏義演》卷 6 :「貪等喜捨相應至皆令理如知者。意說：諸煩惱與喜捨相應。通下三地。除第三禪唯樂受故。就欲界中。除地獄極苦處。以地獄中無分別煩惱故。餘雜受處。意地有憂喜捨故。【疏】逐難解已義之餘也者。准論中說。貪痴俱樂至疑獨行痴。欲唯憂捨等。並是逐難

解已意。論云餘受俱起者。此文憂是逐難解之餘義也。」(X49, pp. 650c23-651a5)

p. 1308 : -4【得有定故】《成唯識論證義》卷6：「設有問云：煩惱位中豈有定耶？故此釋云：專注一境而起貪等。得有定故。疑非決定。故無勝解。見即是慧。義無重出。故曰疑及五見各容四俱也。」(X51, p. 44b12-14)《成唯識論自攷》卷6：「問。此相麤動。何容定俱？答：專注一境。得有定故。如戲忘天。專注一境起貪等故。」(X51, p. 231a19-20)

p. 1309 : 2【如理應思】參考本書 p. 1194-1199

p. 1309 : 3【問五受別】《成唯識論疏義演》卷6：「問五受別非遍行故者。以受俱是別義。非遍行。遍行義如上說。以遍諸心起。故不須問。」(X49, p. 651a10-11)

p. 1309 : 4【前不問後】《成唯識論疏義演》卷6：「不問與善性相應者。善是染違。故此不說。

【疏】以後必問前故者。且如別境識等並五受遍行。先已明訖。所以將後煩惱問前。如云：此十煩惱何識相應等。前不問後者。如不定四未明。以在後明。今不將煩惱對不定四辨相應等。」(X49, p. 651a12-16)